



Ned ning sēn yara Wēnd tı yaa a Soaba, la lıslaango tı yaa a dīini, la a Muhammad tı yaa a Tēn-tuumā, a lem̄ba sıd-kūun noom

Yii a Al-‘Abbaas Ibn Al-Muṭṭalib nengē (Wēnd yard be a yīnga) t'a Wuma Wēnd Tēn-tuumā (Wēnd puusg la A tıgr be a yīnga) t'a yetē: «Ned ning sēn yara Wēnd tı yaa a Soaba, la lıslaango tı yaa a dīini, la a Muhammad tı yaa a Tēn-tuumā, a lem̄ba sıd-kūun noom»

[Naşun Şahuhun (Gom-sikdem sēn manege)] [A Muslim n togs-a]

Nabiyaamā (Wēnd puusg la A tıgr be a yīnga) kōta kibare, tı ad sıd-kōt sıd-sıda a sıd-kūuni wā, sūr sēn yōgn, a paamda a sūrē wā pakre, la yalgre, la kıdengo, la sū-noogo, la Wēnd pēnegr noom (A Naam zēk yā), t'a sā n yar ne yeı a tāabā: Rēenemā: a yara Wēnd tı yaa a Soaba, la woto yaa a yāoogā sēn na n pak ne būmb ning sēn wat yē nengē n yit Wēndē, tı yaa sēn tūud ne Sobendā, sēn yaa arzek puure la halhaal-rāmba, a ka paamd a sūrē wā zāgsg ne būmb baa a yembr sēn yi woto ye, la a ka bao soaba zēng sēn ka Wēnde (A Naam zēk yā). Yiib soabā: a yara lıslaangā tı yaa a dīini, la woto yaa a yāoogā sēn na n pak ne būmb ning lıslaangā sēn gūbgā, sēn yaa waagib roglgo, la a ka bao sor zēng sēn ka lıslaangā ye. Tāab soabā: a yara a Muhammad tı yaa a Tēn-tuumā, (Wēnd puusg la A tıgr be a yīnga) la woto yaa a yāoogā sēn na n pake ne būmb ning fāa a sēn wa ne wā, n ka maan sika, la a rık sore, rēnda sēn zemsd ne Nabiyaamā kāndgre (Wēnd puusg la A tıgr be a yīnga).

<https://sunnah.global/hadeeth/mos/show/65116>

